

# DE DIMENSIO-

• N I B V S O R B I V M E T S P H A E-

R A R V M C O E L E S T I V M I V X T A

Tabulas Prutenicas, ex sententia Nicolai  
Copernici.

*APPENDIX M. MICHAELIS  
MÆSTLINI MATHEMATVM IN  
Tubingensi Academia Professoris.*

**N**E QVID E. R. V. DITISSIMO ET INGEN-  
niosissimo doctissimi Mathematici M. Ioannis Keple-  
ri Prodromo, & disertæ Rhetici Narrationi, deesset:  
operæ pretium duxi, eis, Appendix loco, Dimen-  
siones magnitudinum, siue altitudinum Sphærarum  
Mundi, quibus Erratica sidera mouentur, secundum Copernici  
hypotheses, subiungere. Etsi autem ea ex ipso Copernico, partim  
etiam ex Ptolemæo, absq; labore excerpti & conscribi potuissent:  
maluit tamen ab Erasmo Rheinholdo eas accipere. Ipse enim, sicut  
in Tabularum Prutenicarum præfatione protestatur, & earum ta-  
bularum numeri attestantur, obseruationes & demonstrationes à  
Copernico propositas, multò exactius & accuratiùs, quam ipse  
Copernicus, discussit, ideo numeros, quibus Rheinholdus Mun-  
di Sphæras dimensus est, & ex quibus illas suas, Prutenicas dictas,  
tabulas confecit, tanquam perfectiores sequēdos existimo. Optan-  
dum autem esset, Rheinholdi Commentarium in Copernici li-  
bros, vel potius in suas Prutenicas Tabulas, aliquoties ab ipso pro-  
missum, in promptu esse, ex eo enim non tantum dimensiones has  
describere possemus, sed etiam plurimis adminiculis ipsa Astrono-  
mia, pro defectibus, quibus adhuc laborat, faciliùs restituendis,  
magnopere haud dubio adiuuaretur. Quia autem inopinata & im-  
matura viri morte tam hoc, quam alia utilissima opera interrupta  
fuerunt: altera quæ restat via tentanda est, qua retrograda methodo  
à fine ad initum recurritur. Numeri igitur in Tabulis ipsius scripti,  
resoluendi, & ex eis illi, quos Reinholdus diligentio obseruationum  
& demonstrationum examine, pro condendis illis ipsis Tabulis,

X 2 inue-